

Ísafjarðarbær  
Hafnarstræti 1  
400 Ísafjörður  
postur@isafjordur.is

Reykjavík 22. nóvember 2018  
UST201810-214/Ý.G.  
09.01

### **Samstarfsnefnd um friðlandið Hornstrandir**


Í samræmi við auglýsingu fyrir friðlandið Hornstrandir í Stjórnartíðindum B, nr. 332/1985, óskar Umhverfisstofnun eftir því að Ísafjarðarbær tilnefni tvo fulltrúa fyrir sína hönd í samstarfsnefnd fyrir friðlandið Hornstrandir. Jafnframt er óskað eftir því að tilnefning berist eigi síðar en 14. desember 2018 ásamt heimilisfangi og netfangi viðkomandi.

Hornstrandanefnd er m.a. ráðgefandi um málefni friðlandsins, s.s. varðandi framkvæmdir á svæðinu, stefnu o.s.frv.

Umhverfisstofnun vekur athygli á 15. gr. laga nr. 10/2008 um jafna stöðu og jafnan rétt kvenna og karla, en þar er meðal annars kveðið á um að þegar tilnefnt er í nefndir, ráð og stjórnir á vegum ríkis og sveitarfélaga skuli tilnefna bæði karl og konu. Þá kemur fram að tilnefningaraðila sé heimilt að víkja frá þeirri skyldu þegar hlutlægar ástæður leiða til þess að ekki er mögulegt að tilnefna bæði karl og konu. Skal tilnefningaraðili þá skýra ástæður þess. Forstjóri Umhverfisstofnunar skipar í nefndina og velur úr tilnefningum svo kynjaskipting sé sem jöfnust.

Tilnefningaraðilar bera kostnað af setu fulltrúa sinna í nefndinni.

Virðingarfyllst



Kristín Linda Árnadóttir  
Forstjóri



Ólafur A. Jónsson  
Sviðsstjóri